



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Oratio mentalis die tertia synodi.

urn:nbn:de:hbz:466:1-10502

ac sollicitudinis studio inflammator sit, ad omnem Ecclesiasticæ disciplinæ rectam cumulatamque executionem perpetuamque obseruantiam.

Lecta quæ sunt monita executionis decretorum de suggestu, quæ habentur in volumine supra Synodi xj.

His ordinè sic absolueis, Illustriss. Archiepiscopus de more antequam hic Synodalis conuentus dimitteretur, sequentem Synodum, nempe xij. indici mandauit, præuia instantia promotorum.

Instantia promotorum pro Indictione futuræ Synodi.

Illustriss. ac Reuerendiss. Pater & Domine in Christo.

Antiquo Canone, & decreto prouinciali, & Synodali item cautum est, proximam Synodum diocesanam in sessione indici: ideo pro muneris nostri ab Illustrissima amplitudine tua nobis demandati ratione, humiliter instamus, & petimus, Synodum dioces. xij. futuram in hoc Synodali conuentu, omnibus qui interesse debent, pronuntiari, & indici.

Tum lectum est Decretum Indictionis, ad præscriptam formam.

Decretum de indictione uisitationis.

Veteris, & laudatissimi, cum disciplinæque Ecclesiasticæ ratione atque vsu conuenientis instituti illud est, antequam Synodus dimittatur, clero vniuerso qui præsens in Synodo est, aliqua edicta, quæ anniuersariis actionibus perpetuis præstanda sunt: edicimus igitur omnium & singularum regionum cleri uisitationem, quam omnes, singuliq; uisitatores nostri in sua quique regione diligenter obeant, atque adeo præsent ad præscriptum monitorum, quæ diligentioris executionis causa in hac Synod. xj. edidimus. Omni igitur studio in omnes partes ad rectè exequendi usum excitato ita se gerant, ut nullam eorum negligentiam, cuius nobis aliquando ratio reddenda est, animaduertamus; sed diligentiam præstantissimam, cuius fructus in omni recta executione consistet,

nos in Domino commendemus.

Indicta uisitatione, audientia, quam Synodo absoluta Illustrissimus Archiepiscopus, Vicariis, & aliis diocesanis dare solet, indicta est.

Decretum de indictione publicæ audientia.

Vicariis foraneis hodie à prandio audientiam indicimus, & iis quoque omnibus & singulis, qui aliquid habent, quod nobiscum, aut cum ministris nostris agant. Illis etiam, quibus à uisitatores, Præfictiue scrutini, & vicariis foraneis iussus est ad nos venire.

Demum Illustriss. D. Archiepiscopo de more orationem publicam, quæ in urbe, & diocesi fieri solet, in fine Synodi indici & promulgari iussit.

Decreti formula habetur supra in Synodo 7. dioces. pag. 80.

Cum omnia in hac xj. Synodo agenda & tractanda, Diuina auxiliante clementia ad optatum finem perducta essent, & cum iam hora esset tarda, ut de more ritè rectèque Synodus dimitteretur, Illustriss. Archiepiscopus suggestum ascendit, & iterum clerum allocutus est.

Absoluto sermone, pulsatione solenni campanarum, inchoata est processio de more, eundo per ambitum, & extra Ecclesiam: & dum clerus regionatim & collegiatim ad processionem dirigeretur, Tabellarum acclamationum facta est distributio. Postea verò quàm clerus vniuersus rediit, denuo suis locis conseruerunt, & facto silentio, in oratione mentali certis capitibus enunciatis per Reueren. Archidiaconum, Illustriss. D. Archiepiscopus, & clerus vniuersus, quasi per horæ dimidium perstiterunt.

Oratio mentalis die 3. Synodi.

I. Fratres carissimi: Conuersi ad Dominum, puro corde oremus, ut preces nostras in beneplacito suo exaudire dignetur. Et quia imperfectum nostrum quod in Synodi celebritate admisimus, viderunt oculi Dei; ad miserationis diuinæ remedia confugiamus, hocq; frustrati precemur, ut ignorantia nostræ parcat erratis; & negligentia etiam,

M 4 quam

quam ex monitis internis decretorum agnoscimus, & remordente conscientia tabescentes, intimo dolore confitemur, indulgeat; & quidquid offensionis, neglecta Synodali & clericali sancta disciplina, cuius officia inoffensè præstare debemus, aliquo modo contraximus, eo condonante veniam consequamur, & à cunctis absolvamur nostrorum nexibus errorum.

II. Fratres carissimi: ad sancta officia promerenda diuinæ miserationis gratia inspirante conuersi, toto cordis affectu Deum precemur, vt bonum, quod in nobis à Reuerendissimo Archiepiscopo, tam incenso charitatis studio & officio requiritur, omnino exequamur; vtq; prompta cum eo sollicitudine gradientes, dignè ambulemus vocatione qua vocati sumus, omniq; in opere bono crescentes, obediamus studiis Deo placitarum orationum.

III. Fratres carissimi: toto cordis affectu orate, vt in omni humilitate, & mansuetudine ambulemus; vt solliciti seruire vnitatem spiritus in vinculo pacis, & Christi dñi iugū quod suauis est, & onus leue patienter portantes, demum hæreditemus cœlestem terram viuentium, & multitudinem pacis æternæ delectemur.

Quæ orationes semper recitantur in vltima die, & sessione Synodi: & vbi fiat sessio quarta, ponantur orationes etiam infra scriptæ in penultima die.

Orati mentalis.

I. Fratres carissimi: Pio internæ deuotionis & orationis affectu orate pro Reuerendiss. Archiepiscopo nostro, vt spiritualibus amplificetur augmentis, & uerbo, & exemplo, quibus præest proficiat, ad vitam sempiternam.

II. Fratres carissimi: toto cordis affectu orate pro ministris Reuerendissimi Archiepiscopi, quatenus dum manus in bonis operibus eleuant, laborum suorum à Deo benedictionem largissimam consequantur.

III. Fratres carissimi: obsecremus Deum omnipotentem, vt toties, præsertim in hac Synodo nos moniti, & ad spi-

ritum Sacerdotalem excitati, adiutrice eius diuinæ gratia, viam latam & spatiosam relinquamus, quæ ducit ad perditionem; & diuinæ virtutis dextera, deducamur ad illam angustam atque arctam spiritualis vitæ semitam quæ ducit ad vitam, illamque viam vsque ad obitum pergamus, quousque ad Christum dominum perueniamus, qui est nobis via, veritas, & vita: Amen.

Postremò acclamationes de more in hunc modum actæ sunt, toto Clero acclamante.

Acclamationes cleri in Synodo Diocesana.

Archid. Deo patri misericordiarum, & Deo totius consolationis, gratia.

Responso. Immensa est misericordia tua super nos domine, qui conciliorum exercitationibus rectum iustitiæ tramitem, & disciplinæ regimen iugiter docere dignatus es: tibi laus, tibi honor, tibi gloria, in sæculum, & in æternum.

Archid. Beatissimo Gregorio Papæ, & domino nostro sanctæ vniuersalis ecclesiæ Pontifici, cunctarum gentium obedientia, & christiani nominis in omnem terram propagatio.

Respon. Domine Deus, Sanctissimum Patrem gratia tua custodi, vt eo gubernante, gentes sancto veræ fidei lumine persusæ, in vnum Ecclesiæ tuæ ouile colligantur.

Archid. Reuerendissimo Archiepiscopo nostro salutaris vigilantia.

Respon. Omnipotens Deus, super Aristitæ nostrum benedictionum tuarum dona perpetuè multiplica.

Archid. Serenissimo Regi Philippo, Christianæ religionis defensori, perpetua felicitas.

Respon. Æterne Deus, Catholicum Regem nostrum in amore tuo conserua, vt cœlesti gratia tua auctus, omni tua benedictione perpetuè dilatetur.

Archid. Populo Mediolanensi pax Christi æterna.

Respon. Memento domine Deus in beneplacito populi tui, ac perpetuum tuæ benedictionis rorem illi infunde.

Archid. Nos Dei voluntatem explen-